

石  
柏  
山  
房  
詩  
存

石柏山房詩存卷之二

太湖趙文楷著

于京集

早行

客枕尙殘夢，征車催早行。  
寒雲留雪色，荒戍少雞聲。  
足繭難爲疾，名繻視欲輕。  
長途復泥濘，艱苦歎吾生。

晚宿大樹街

往事依稀憶未真  
重來已是七年春  
蕭條大樹今猶在  
不見斜柯倚眇人

謁包孝肅公祠

千載稱清介如公  
得幾多此心如白日  
一笑比黃河遺廟  
依城闕停車問薜蘿  
兒童真好事相競說  
閻羅

過總鋪

蔓草蓬蓬白露生  
淮西郵館舊知名  
春來隄上無多柳  
都被平康折送行

登徐州城

遠道勞行役  
驅車歷古城  
河流當楚關  
山勢到吳平  
歲月催人至  
艱難媿我生  
不堪鄉思苦  
風雨暮來聲

渡黃河

河廣曾聞一葦杭中流倚醉聽鳴榔山爭濁浪雲陰黑風  
卷平沙日色黃城闕低藏隄側畔人家回望水中央  
揭來此地鄰山左卻道江南是故鄉

淮北年年怨汗漫宸游曾此費周觀河源聞說從天降  
人力由來自古難九道北流猶曲勢一泓東注便狂瀾蛟

涎魚沫沈寃在欲酌寒漿不忍餐

題道旁石

一片雲根拔地生色如青鐵竅如罍可憐憔悴風塵裏竟  
使如拳浪得名

荆山橋長句

荆山橋長如虹勢搏雲氣愁蛟龍橫互四百八十丈頽然

偃卧彭城東微湖西來萬頃瀉當中直走黃河通忽然遭  
此百孔束縱有絕力難爲克竭來二月雨半霽山色黯澹  
無春容憑欄直視目欲眩人影倒立空明中遠波粼粼勢  
忽動豁達萬里來長風古人題柱吾何有茲游奇絕頗足  
雄橋東有亭足憇息萬竹俯蔭環蒼松時和屢邀

清蹕駐絢爛

宸翰疑天工我願嶧山之湖永不溢原田

禾麥青青何時載酒復來此山靈與約春花紅人生往  
復那得定此橋萬古橫晴空荆山橋長如虹

謁滕文公祠

齊楚今何在公猶贖此祠荒垣依古木春草窳殘碑積弱  
憂危切行仁惠澤垂昫昫舊原隰猶見井田規

夜行至新店宿



但覺敝裘溼不知霜氣侵此行勞跋涉何處卜升沈老樹  
疑人影荒雞亂客心前邨好投宿燈火出深林

雨後過趙北口

長隄一帶柳參參遠水柔波映蔚藍家在夢中渾忘卻斷  
橋煙雨似江南

七夕

長安城上月如鉤  
街鼓鼕鼕起暮愁  
回首竟成千里別  
驚心又是一年秋  
西風白草時聞雁  
落日黃雲獨倚樓  
爲語客懷惆悵甚  
休將今夕說牽牛

午睡

拋枕難將倦眼開  
攬衣庭際且徘徊  
旁人莫怪醒時晚  
曾到家山一度來

夜

候蟲寒雁兩淒然  
月落庭空欲曙天  
急柝聲聲催夜短  
孤燈寂寂照人眠  
夢隨落葉無邊去  
心似游絲到處牽  
回首浮生真一笑  
常將辛苦過年年

初度日

無端驅遣帝城來  
心事從今未肯灰  
故國久荒揚子宅  
感

時誰是賈生才年來作客留鴻迹歲晚懷人託鳩媒獨把  
一尊容易醉西風黃葉滿蒼苔

和帥二仙洲秋夜聞蟋蟀原韻四首

蟋蟀甚微細秋來能自鳴挾風催短夢號月趁殘更是有  
商音在能令嬾婦驚慙予啞鐘似叩擊一無聲

不解離愁苦深宵唳唳鳴幾人添白髮此際聽寒更久客

已多感哀音良可驚寂寥孤枕畔猶作故鄉聲

尚憶兒童戲常憐此物鳴篝燈尋四壁冒露立三更老大  
知無益年華暗自驚如何今夜裏不似昔年聲

秋風敗庭綠知爾不平鳴似有哀遲歎難忘歲月更王孫  
不歸去客子易爲驚朱闌笙歌地何緣聽此聲

和天門蔣晴峯先生雪洞原韻

雪洞蔣書室名

暑雪冷然入醉鄉南薰解作北窗涼幽人寓物每如此清  
夜賦詩殊未央天與湖山留小築地分吳楚各殊方何時  
剡水扁舟去會說長生付漫郎

落葉和帥二仙洲韻

平林無那曉霜催半入寒漪半覆苔搖落可堪千里共淒  
清時有萬聲來蕭蕭牧馬聲初動點點棲鴉晚未回最是

離人禁不得西風殘照立徘徊

余滯迹都門經一載矣歲寒孤館風雪蕭然懷友  
思鄉一時並集平生所謂知己者皆有尺素遠  
及欲裁書以荅而嬾不能作也因各爲一詩卻

寄

古寺僧寮伴此身十年作客尙衣鶉不歸非爲無家別未

老休輕抗志人豈有愛才如北海可憐失路在西秦

野夫在陝

託迹魚鹽貲頗裕及舟遭溺家遭焚遂蕩然矣佐幕興安延沿而至於湖

胸中萬仞青山在莫

付吳綾染素塵

### 右黃野夫

築巖落落介山狂朔雪悲風滯異鄉歲晚客懷易惆悵天涯游子各淒涼兩家有母嗟行役千里何人慰遠望珍重

布柏山房詩存

卷二

九



秋來書一紙可能無夢似高張

築巖與予  
同客都中

右王和甫

爲人辛苦不辭難鏡作胸懷鐵作肝少厲苦嚴如諫果老  
貪圓轉近彈丸鋒稜起處垂頭睡涇渭分時白眼看定約  
與君勤教子燈檠茗椀共盤桓

右余悔齋

窮年兀兀意何如  
別後相思爾與余  
燕市無人同醉卧  
楚山有客悵離居  
從來造物多深意  
自古才人得謗書  
莫效兒童論枯菀  
我生寧合老樵漁

右黃小癡

少小相從影伴形  
未酬知己轉飄零  
偶然拂意須臾忘  
不肯甘言取次聽  
二十年來頭欲白  
兩三人外眼難青  
貧交

歷歷何堪數屈指君家在一庭

右梅振玉勗季

方壺圓嶠近天關輸與罡風輒引還心事懸知離碧海生

涯寧許住青山

和叔南北闌  
累薦而不售

能無新句酬妝閣定有佳兒

採玉環爲報故人憔悴甚幾時尊酒一開顏

右黃和叔

三千里外路漫漫欲寄相思迫歲寒  
媿我有家勞目斷  
君無事檢書看  
秋花蟋蟀魂應共  
東坡夢子由詠詩云蟋蟀悲秋菊  
春草  
池塘夢未殘  
珍重短衣雙袖上  
別時曾染淚闌干

右俊心第

棲息何緣共一枝  
嗟君濩落不逢時  
阮家難得諸郎富  
王氏無如阿叔癡  
江海水深鳧脰短  
關河風急雁書遲  
吳雲

木石山房詩存 卷二  
朔雪相思意獨有淒涼一紙詩

右克齋姪卽次來詩原韻

寄家書

高堂漠漠雙垂鬢弱弟恫恫五尺身每恨晨昏常寂寞更  
憐兒女共清貧涼風朔雪三千里破屋頽垣四五人迢遞  
關山勞極目不堪重憶一露巾

一茗椀始癸卯迄己酉凡余行役椀必隨之至京  
師遭損注以水則涓涓溼几案矣勢不可用念  
其相從者久不忍棄捐命僮瘞之因繫以詩

本自泥塗質宛然金玉形  
乳花浮水白雷莢入泉清  
淪齒詩垂就沾脣醉未醒  
七年勞爾伴蹤跡尙浮萍

成毀何須論擎持只自憐  
隙開潛注水痕見直如絃  
乍失

燈檠伴還將筆塚連平生幾兩屐爲爾一潸然

都門禱詩

香風緩逐寶車來雪色玻瓈四扇開  
女伴相逢時借問陶然亭上看花回

四月東風冷未勝纔看新綠一層層  
黃花魚過端陽近蚤有棚車喚賣冰

衣香人語去遙遙  
貪看秦宮百媚嬌  
怪煞青驄嘶不斷  
管絃聲已在天橋

十三纖手弄鉛黃  
十五梳頭倩阿娘  
聞說掖庭挑繡女  
背人深夜學宮妝

郎家住在南柳巷  
妾家住在西河沿  
柳花河上莫飛過  
記取門前泊釣船



深宵打鼓月輪斜倦舞腰肢倚琵琶笑指玉盤風味好南  
人渾不識烏他

煤爐添火瀹新茶土炕朝晴映日華恠底夜來綿被冷膽  
瓶凍折蠟梅花

朔風吹裂敝貂裘十丈紅塵沒馬頭他日江南忘不得一  
尊清酒唱梁州

正月七日

青蒲細柳一時新紫陌朱門各令辰不分蹇驢常避路劇  
憐席帽穩隨身天涯人日梅花酒夢裡江南水國春却恐  
壯懷牢落盡素衣容易變緇塵

觀烟火

素月未出天漠漠萬道驚看衆星落飛芒烈燄環雷車電

掣金虵走幽壑兀然塵表豎兩柱綵繩疑是秋千索中懸  
橐籥長垂垂行者喧趨立者愕火光半歇響亦靜仰視空  
中啟扇鑰眼前端現一林亭儼有叢花間繁萼山樓紅綻  
荔子丹鷲禽駭獸紛相錯虛無指點武陵源幽棲忽變凌  
烟閣峩冠博帶識虞褚長鎗大劍褒與鄂回眸轉瞬百不  
同時見仙人乘黃鶴坐者何人燦纓絡亦有杖藜赤雙脚

須臾幻化空溟濛  
天街料峭嚴城郭  
坐思人世亦如此  
古來萬事皆寂寞  
浮雲變滅隨春風  
富貴榮華難久託  
吾生於世亦寄耳  
胡乃曲蟠甘尺蠖  
歸來薄醉不成寐  
卧聽城南擊清柝

續命篇

潯陽郭烈婦夫病自經死冀以代夫而夫卒死

爲作是篇

與死夫死後寧死夫死前夫生妾不朽夫死試黃泉

解一

願爲續命絲絲弱何足惜含笑在冥途不作望夫石

解二

手持雪色巾作書與郎別當時錦字機今朝成碧血

解三

君命泰山重妾心江水深鴛鴦共連理同穴非妾心

解四

啾啾夜唳鳥槭槭青楓樹多少估客船聞此不忍渡

解五

寄語世間人，妄計亦良愚。愚者誠已矣，智者當何如。六解

雨霽

隱隱輕雷作遠聲，稍稍涼雨過高城。已教院落收煩暑，更與園林放晚晴。紅日半含孤岫沒，黑雲時漏一星明。呼僮爲拂黃籬笛，今夜還家夢欲成。

送表兄潘築巖下第南歸

驪駒在門僕夫駕南風雨雹如掌大

以大字入馮韻本淮南子

征人東

去不可留執手淒涼淚交下二載京華飽塵土兩度上書  
今報罷雖然不入承明廬作計歸田聊慰藉嗟余與子左  
右手追歡逐笑無休暇長安城中多貴人不願相通閉關  
謝得路惟瞻馬首塵相逢誰與牛心炙盤遊飯椀骨董羹  
嗜者甘之如啖蔗我欲強爲知不可縱有富貴遭嗤罵槐

花黃時舉子忙我獨淹留復過夏江東無田不得歸此心  
未肯忘耕稼勸君勤種二頃田春夏讀書冬獵射門前剝  
啄誰問竒高論如泉百斛瀉送君歸去南陽村高館張燈  
惜清夜人生離合那復常過眼烟雲倏變化東方欲明衆  
星稀慈烏城頭聲啞啞因君寄語白髮親得閒吾欲歸子  
舍秋風藜藿亦可嘗卧穩如山不驚怕歸途莫惜勤寄書



爲向淮南問米價

送帥大浣溪

承濂

帥二仙洲

承瀛

石二鏡湖

然歸

黃梅

送君歸去楚山阿  
欲繫驪駒奈晚何  
立馬萬峯看泰岱  
驅車五月渡潛沱  
人逢北雁踟躕久  
路出東都感慨多  
我欲抽鞭別茲土  
秋風涼雨白沙河

白吟

白比蜉蝣羽形同蠛蠓羣飛空難覓影沾草已如墳薄血  
甯能厭微聲定不聞北來經見爾無復畏飢蠱

送友人南歸

飄飄天地一沙鷗莫向朱門揖貴侯晚歲短衣隨射虎春  
田細草看驅牛誰言東海無疆木須信西山有弱流拚取

如泉百壺酒與君高醉故山秋

水鏡

謂汝能爲鑑斯言亦我欺不堪施冶鑄無復辨鬚眉皎日  
適未出炎風經幾吹都因秦鏡失徒使夏蟲疑

麪桃

適有形模似何曾色味全麥多收十斛果不俟千年祇可

欺童稚居然列几筵  
座中湯餅會持汝  
伴腥羶

題扁舟坐釣圖

江南最好是初秋  
紅蓼灘頭白鷺洲  
正有夢魂勞遠道  
忽看圖畫當神遊  
東將入海隨烟霧  
西欲乘槎問斗牛  
去去不須更惆悵  
長風萬里一扁舟

留別王梓堂

蘭臭同心雨不分連牀風雨共論文從知下筆傾三峽已  
許蜚聲在五雲蘊藉定須推范岫淒涼何用惜劉蕡清時  
最好馳名譽報答 君恩祇慎勤

夜夜歸心對月明關山千里夢魂驚每逢菽熟思鱸膾厭  
向桑乾聽雁聲遠道可能忘舊雨薄田從此試春耕重來  
已是經年別恐有蕭蕭白髮生

早渡楊子江

客久難爲睡歸舟不肯閑  
怒濤喧鏗甕曉霧失金山  
野樹多歌岸人家半掩關  
回看瓜步小烟水渺茫間

舟次陽羨謁座主涇陽王公感恩述懷二律

花城何幸得躡躑自喜因  
依藉大賢知己敢云空冀  
北綴名深愧在盧前三年  
夢繞吳江水千里魂迷郢  
樹烟試向

嶧桐頻領取海波聲裡見成連

時將有楚北之行

方壺圓嶠計全迂兩度春風滯薊都  
紺髮恐隨心事改青衫難說淚痕無  
鈞天有夢重聞樂滄海何人更覓珠  
欲報師恩今未得將離還爲立踟躕

舟至丹陽縣

一葉扁舟兩岸蒲微波渺渺泛平湖  
前途已見丹陽塔細

雨輕烟儼畫圖

舟夜

寒蛩無語岸霜重  
叢葦有聲山雨微  
夜半月明潮欲至  
艣聲驚起鷺鷥飛

京口櫂歌

瓜皮艇子小如杯  
蘭漿輕搖莫更催  
聞說前頭官閘淺  
相



將齊待晚潮來

臘月廿日

紫闕丹霄夢已虛歸來暫得賦閒居不慙做絮緣冬暖免  
與寒燈共歲除親滌偏提儲薄酒自開屏擋拾殘書卽今  
更向詩魔約與汝周旋慎不疎

送竈

風馬雲車護彩旛送君安穩上天門  
自慙藜藿經年食休厭兒童盡日喧  
墮魄從人甯復顧勞薪似我更何言  
天公若許陳前席臣朔方飢要細論

廿五日

殘臘暄和風日妍今宵忽作小寒天  
厭聽爆竹驚山鬼自起篝燈護水仙  
身在故園疑夢寐年來浪迹似雲烟  
可憐

不木山房詩不  
卷二  
歲暮長爲客珍重屠蘇次第傳

石柏山房詩存卷之二

石柏山房詩存卷之三

太湖趙文楷著

楚游草

漢陽懷古

江流東注大軍山  
漢上孤城扼楚關  
二國舊愁春浪碧  
千年遺壘夕陽殷  
樵歌牧唱劉琦墓  
沙鳥風帆魯肅灣  
我欲

招魂憑楚些夜深疑有鬼雄還

閣夜

小閣春寒襲布袍坐聽城闕漏聲高  
星河半落低春樹江漢雙流撼夜濤  
誰遣夢魂來此夕天教離別老  
吾曹燈前起舞重搔首欲向糟邱覓二豪

月

一鈎初細細半壁漸娟娟看汝今宵滿照人隨處圓鄉關  
渺江北道路逐河壩迴憶閩中月清輝又一年

旅夜

烟霧如夢中客魂不易曉野濶衆星低天寒孤月小顧盼  
村火稀恐懼行人少勞生此奚爲仰愧安巢鳥

黃鶴樓

天遣危樓鎮此關，下臨無地渺人寰。  
簾前江漢南條水，眼底烟雲大別山。  
題句已成千古絕，倚闌聊得一身閒。  
故園東望無多路，願託仙人鶴背還。

晴川閣

大別山前漢江水，水邊高閣倚晴川。  
隔江黃鶴招不得，入眼浮雲亦偶然。  
柏樹已隨神禹去，桃花猶與美人傳。  
欲尋

鐵鎖橫江處惟有斜陽慘暮烟

漢陽寒食

漢陽城上雨濛濛  
鸚鵡洲前草木風  
一別故園空老大  
十年寒食歷西東  
無情濁酒難成醉  
不分天桃也自紅  
自恨不如雙燕子  
春來猶繞舊花叢

野望



日暮登古原衰柳細如髮烏盤城上烟鴈宿沙邊雪時節  
已崢嶸關河仍阻絕悲風從北來寒空動孤月

晚上鳳山亭子

一徑藉危石小亭當翠微亂鴉爭屋角荒草幕人衣江漢  
合清影川原留夕暉吾生飄泊甚愁絕故山薇

漢陽寄內

郎官湖畔依依柳垂盡長條復短條飛絮飛花春漠漠微  
風微雨書蕭蕭客心一夜添華髮江水無情動畫橈聞說  
潯陽潮不上雙魚何自到溪橋

伯牙臺

朝出鳳山門步上大別尾中有伯牙臺宛在水中止澄潭  
倒相映樓閣鬱金紫夕陽亂鳧鷖春雲靄蘭芷昔者伯牙

氏結交鍾期子一撫絲桐音心契無彼此子期既下世碎  
琴不復理女爲悅已容士爲知己死有客抱朱絃冷冷出  
十指借問此何名云是朝飛雉時俗重箏琶誰能辨宮徵  
知音苟不存已矣東流水

咏竹兜子

縛竹乘輕捷垂繩坐敞閒未堪禦風雨猶得看雲山細靜

水邊路透迤巖際關時逢沽酒店小憇竹籬間

暮春懷歸

又是一春盡愁來不可芟少年凋綠鬢客路老青衫夜雨  
燈前淚西風江上帆故山歸去好深雪荷長鑱

別後却寄

我友亦已遠我顏有餘悽野烟生暮色日入西山西沙石

滿路側觸碍當輪蹄簸頓腰脚頑反側聲酸嘶憶昔湖上  
舟輕颺如鳧鷖水波平如掌几席安我棲奈何飢凍迫久  
令夙願睽寄言京華客磊磊終相携

春洲曲

春洲水生荻芽短水禽緩逐烟波暖綠楊垂垂泥殺人萬  
縷千絲青不斷江水閣舟江不流青山送我何悠悠可憐

昨夜夢魂險飛過青山欲盡頭

途中作

山風吹野花片片拂溪水沙淺苔髮見石亂烟痕起曉寒  
襲衣薄行役自茲始隔墉布穀叫田夫競舉趾水車霧氣  
中秧馬歌聲裡人生本苦趣斯言良乃是

夜行

布柏山房詩存

卷三

六

殘夢繞天涯萬里不得住馬嘶曉渡寒夢隨流水去露氣  
沁人骨雞鳴天欲曙仰視衆星低落月在高樹

閩游草

乙卯夏五有閩中之行言懷兼別都中諸友

十丈紅塵起馬前來時冰雪去炎天行人莫漫重回首一  
夢春明已七年

吳越山川繫夢思  
八閩那便在天涯  
此行第一關心事  
椰葉陰中擘荔支

半爲飢驅半浪游  
依人王粲賦登樓  
多情猶有青青柳  
直送行人到涿州

白髮慈親尙倚門  
劇憐游子廢晨昏  
不知更作南天客  
猶向漁陽寄夢魂



河間府

肅甯地脈出河間勝國曾聞產巨奸張讓豈能容孟博賢  
刁猶足困齊桓東林黨盡丹書在西市人空碧血乾莫向  
蒲縈臺上望德陵山色不勝寒

至泰安府擬登岱縱覽諸勝旋以忽促命駕未暢  
游興悵然有作

岱宗東踞鬱宮堯漢牒秦碑鎖寂寥萬壑煙雲終古在五  
更風雨百靈朝傳聞日觀臨滄海更有天門達絳霄面上  
黃塵猶十斛那能容我借扶搖

舟次揚州

五兩風帆落照前碧菱新藕嫩涼天綠楊城郭渾如昨小  
別揚州已二年

十里珠簾廿四橋繁華事散客魂銷多情最是隋隄柳絳  
盡行人萬萬條

揚州別友人

昨夜尊前笑我狂春風檀板按伊涼白鷗浩蕩一身遠黃  
鶴徘徊雙影長江令筆毫生彩色六郎袍袖帶幽香從今  
獨向閩南去萬里何人共此觴

前意未盡又得一律

昨夜揚州月流光照綠蘿  
風前憐酒滿舞處見花多  
燈火迷春院樓臺壓曙河  
殷勤江上路惆悵竹西歌

穆川觀察見前涿州詩走筆次和至吳門復疊前韻四首

此地經過十載前  
畫船簫鼓暮春天  
重來已是斑斑鬢  
誰

木石山房詩存  
卷三  
九  
識腰裙舊少年

吳娃粧罷坐凝思  
素面盈盈對水涯  
何似金臺新結束  
黃塵臉上漬燕支

平生五岳不曾遊  
瞥眼金焦等蜃樓  
孤負江南好風景  
一帆烟雨去蘇州

扁舟一夜泊胥門  
虎阜遙遙倦眼昏  
惆悵真娘墳上土  
難

邀椒雨酌芳魂

大雨不果遊西湖却從淨慈寺取道至錢塘江上  
平生壯志凌滄溟南遊西湖東洞庭二年漢水嗟阻滯有  
眼未睹君山青扁舟一夜過吳越吳山越山空兀兀可憐  
王事有程期愧我無官亦倉卒杭州城南隔江水喜見西  
湖比西子政使匆匆督眼過也應一度窺簪履劇嫌南風

苦作惡半空飛雨如珠落衝泥獨上鳳凰山苦霧濛濛羃  
城郭却從湖尾望空明重簾翠箔圍娉婷嬌羞鄭重嬾回  
顧誰道西施不世情南屏山前雷峯塔十里荷風晚颯颯  
三更深黑入江船江上潮聲響鞞鞞嶽雲不阻韓公意海  
市爭迎蘇子至舉頭咄咄書長空已有繁星墜如穗寄語  
湖邊老辨才他年有約我重來南高峯雲北高雨

出楊庶  
夫語

暫作元都夢一回

錢塘舟中夜起

暑氣侵人聚蚋雷推篷且得倦眸開  
浙東燈影連雲沒海上潮聲捲地來  
客路關河空歲月故園松菊任蒿萊  
吾生竟作依人計慙愧翩翩書記才

杭州



海上蓬萊境何年此地來山餘西子態江繞越王臺地勢  
東南坼潮聲日夜哀匆匆過好景疑是夢初回

孤山

墓對葛仙領亭開西子湖梅花數株老烟雨一山孤跡並  
高人遠名將處士俱不知明月夜曾有鶴歸無

飛來峯

娟妙碧峯色幽情生紫煙綠苔巖際佛青靄洞中天古木  
欹危石疏鐘瀉冷泉何年滄海上飛到寺門前

拜岳鄂王墓

肅肅墓前柏英風吹到今世皆讎檜高吾獨痛徽欽宋室  
無生氣將軍有死心忠魂招不得千載水泠泠

韜光

石路盤青冥竹風吹險絕清冷澗下泉寂歷林端雪絕頂  
得韜光衆峯此羅列迴眺西湖外江流見清浙緬想古仙  
人長嘯空山裂

曉渡錢塘江

漠漠錢塘水揚舲趁曉風海魚吹浪白汀雁入霞紅客夢  
猶江左扁舟已浙東不須重回首蹤跡任飄蓬

晚泊富陽縣

長風習習送蒲帆，入眼江山總不凡。  
落日樓臺收晚翠，亂流城郭映空嵌。  
墟傍醉客何如阮，石上漁翁可姓嚴。  
富陽有嚴羨煞無心雙燕子，穿花掠水語喃喃。

泊建德縣

微波渺渺候涼颺，纔過嚴陵一水涯。  
亂石痕留春漲在，遠

山峯似夏雲奇後來誰抱先憂志此日猶傳異代思

范文正曾

守此郡至今  
有思范亭

欲上玉泉臺上望暮烟深處夕陽邊

### 蘭溪縣

聞說蘭溪水清流勝若耶晚涼浮鷺羽晴翠落松花野石  
好垂釣陰巖宜擷茶到來幽意愜吾似欲移家

宿仙霞關僧寺用壁間周櫟園先生韻

古寺高環厯亂峯到來面面看芙蓉巖懸石瀑流終古寺  
轉松陰日下春水閣嶽奇稱杰構詩牌零落記前蹤坐談  
却畏三更露自笑年來體漸慵

探奇那得畏長途仄徑還宜竹杖扶關扼東西分浙與溪  
流日夜下甌吳尊前人語山相答樓下雲來地忽無羸得  
今宵安穩卧坐看松月一輪孤

聞山漠漠插天長，尚憶公孫勢最張。  
百丈鯨鯢蟠島嶼，十年朝貢失珠香。  
朝廷指顧收三叛，總制沉雄鎮一方。  
耿精

忠據閩叛總制李文襄公持重守仙霞關者十餘年  
眼底興亡真泡影，輸將漁父詠

滄浪

禪榻清風曲曲通，佛燈明似日曛曛。  
客愁畏向猿啼裡，鄉夢還飛鳥道中。  
每遇登臨頻有慨，自懷鉛槧未能工。  
匆匆

更別山靈去留取新詩當雪鴻

重宿黃田驛有懷

寂寞黃田驛天寒事遠征溪山雙屐健風雨一燈明憶昔  
曾經過郵傳愧送迎重來吾獨往誰共說離情

僕僕年來慣凭欄興轉幽灘聲常繞榻樹影恰當頭客夢  
同蕉鹿行踪愧磨牛浮屠桑下宿斯意爲遲留



重度仙霞關

半載仙霞歷往還。春風隨我出關關。身離瘴雨蠻烟外。夢繞吳山越水間。客路猿啼添鬢雪。故園鴈至望刀環。勞生久已忘夸險。越嶺踰溪若等閒。

八閩風土事多奇。踏遍芒鞋始得知。最好山光嫌坐積。難通人語雜侏離。瓦盆豈合栽蘭葉。青子何堪伴荔枝。笑煞

蠻娘雙赤足吳儂不解說相思

海上年來戰血多鯨鯢種類費搜羅  
治功誰奏黃丞相勳業終歸馬伏波  
下瀨樓船憂未足防秋烽火近如何  
芟奪恐有吞舟漏莫信區區養太和

閩民生事劇堪憐山海瀰漫更少田  
浙舫不來虛白粲洋船阻絕缺花邊  
斬鯨遼海雖多策買犢南陽在任賢  
見說

蠲除頻有詔大官那復酌貪泉

見綠梅

兼旬風雨度仙霞喜見江南萼綠華  
飄泊何須更惆悵故園春色亦天涯

過江山縣

飽看山色愛漣漪屐齒舂唇總不辭  
蘆鳥船來波拍拍竹

雞聲斷雨絲絲客心貪路詢人數春色因寒着意遲此地  
經過如夢寐江山猶是舊來時

過衢州府

斗轉星回歲又終天涯羈客任飄蓬黑貂未染南天雪錦  
字虛傳北至鴻下瀨船如秋葉墜還家夢逐曉雲空可憐  
暮雨瀟瀟夜獨坐孤燈宿短篷

宿樟樹潭

三板門前泊釣船  
碧油滑笏著輕烟  
沙堤十里濛濛雨  
恰似江南二月天

夾岸梅花映水濱  
白茫茫間碧粼粼  
分明一夜漫天雪  
化作江南萬樹春

石柏山房詩存卷之三